

**Suaram: Mari banjiri Twitter PM desak tubuh IPCMC
MalaysiaKini.com
March 25, 2013**

Badan hak asasi manusia, Suaram, sekali lagi mendesak supaya ditubuhkan Suruhanjaya Aduan dan Salahlaku Polis (IPCCM) - dan kali ini ia beralih kepada ruang Twitter untuk menyokong usahanya itu.

Sehubungan itu, NGO itu meminta warga siber membanjiri akaun Twitter Perdana Menteri, Datuk Seri Najib Abdul Razak (kanan) dan Ketua Pembangkang, Datuk Seri Anwar Ibrahim, serta pasukan polis - mendesak supaya IPCCM ditubuhkan.

Suaram dalam satu kenyataan hari ini mendesak penubuhan suruhanjaya itu, yang disyorkan oleh Suruhanjaya Diraja pada 2005 untuk menambahbaik operasi dan Pengurusan Polis Diraja Malaysia, tetapi diabaikan sehingga mendorong Suaram mengadakan kempen melalui Twitter.

Katanya, suruhanjaya itu menghasilkan laporan 576 halaman dengan 125 cadangan, di mana satu syor utamanya ialah perlunya mekanisme pengawasan untuk memastikan pasukan polis Malaysia menghormati hak asasi manusia dan melaksanakan tugas selaras dengan undang-undang.

"PRU13 sudah hampir. Tidak kira (sama ada) BN atau Pakatan Rakyat yang akan memerintah penggal akan datang, kita perlu IPCCM ditubuhkan.

"Mari kita banjir Twitter @NajibRazak @anwaribrahim @PDRMsia dengan tweet kita," kata kenyataan itu lagi.

Suaram pantau kempen twitter

NGO itu juga menyenaraikan beberapa contoh twitter yang boleh dihantar:

1. The rakyat wants #ipccm now! @NajibRazak @anwaribrahim @PDRMsia
2. Waiting for more deaths in custody? Implement #ipccm now @NajibRazak @anwaribrahim @PDRMsia
3. @PDRMsia must stop the deaths in it's backyard #ipccm now @NajibRazak @anwaribrahim
4. Cukup dengan kematian dalam lokap @PDRMsia #ipccm @NajibRazak @anwaribrahim (Enough of deaths in @PDRMsia lockup #ipccm @NajibRazak @anwaribrahim)

Pengguna Twitter juga diminta untuk menambah #ipccm atau @SUARAMtweets pada akhir setiap twitter, supaya Suaram boleh memantau kempen tersebut.

Copyright © 1999-2012 Mkini Dotcom Sdn. Bhd
Source: <http://www.malysiakini.com/news/224846>